



Na Bishop Keith B. McMullin

Tauturu Piti i roto i te Episekopora Faatere

To tatou e'a o te ohipa

Aita te ohipa e titau i te maitai roa, e titau râ te reira i te itoito. E ere i te mau mea ana'e i haamanahia e te ture; te mau mea viivii ore râ.

Eao ahoaho teie. Tei te mau vahi atoa te maro e te ati. I te tahi taime mai te mea ra e, na te taata iho e imi ra i te ati.

Ei faaararaa i to tatou nei tau, na ô a'e ra te Fatu e, « e aueue te mau ra'i e te fenua atoa ra, e e tupu te ahoaho rahi i rotopu i te mau tamarii a te taata, *area râ e faaberebere au i to'u feia* »¹ E ti'a ia tatou ia ti'aturi i te tamahanahana rahi i roto i teie fafauraa.

Noa'tu e, e faaarepurepu hope roa te mau ati « i to [tatou] oraraa hau »,² eiaha râ te reira ia haamou roa i to tatou oraraa. E nehenehe ta ratou e « faaaraara [ia tatou] i te haamana'oraa »,³ « [ia] itoito [tatou] i te haapa'oraa i te mau faaue a te Atua »,⁴ e ia tape'a noa ia tatou i ni'a « i te e'a o ta [tatou] ohipa ». ⁵

I Horane i roto i te Tama'i Rahi II o te Ao nei, ua faaohipa te utuafare Caspe ten Boom i to ratou fare ei vahi tapuniraa no te mau taata e a'ua'uhia ra e te Purutia. Teie te huru no to ratou oraraa i to ratou oraraa faaroo keritiano. E maha melo o te utuafare tei pohe no to ratou horo'araa i teie puhaparaa. O Corrie ten Boom e to'na tuahine o Betsie, ua ora raua e rave rahi ava'e ri'ari'a i roto i te puhaparaa no Ravensbrück. Ua pohe o Betsie i reira – Ua ora mai o Corrie.

I Ravensbrück, ua haapii mai o Corrie e o Betsie e, e tauturu te Atua ia tatou ia faaore i te hapa. I muri a'e i te tama'i, Ua hinaaro papû o Corrie e faaite i teie poro'i. I te hoê taime, ua hope ta'na paraparauraa i te hoê pûpû taata i Heleman tei mauui roa i te mau ino o te tama'i. Ta'na parau poro'i, maori râ, « e faaore te Atua i te hapa ». Teie taua taime ra a riro ai te faaroo o Corrie ten Boom ei haamaitairaa.

Ua haere mai te hoê taata ia'na ra. Ua ite atu ra oia ia'na, o te hoê ia o te mau tia'i ino ri'ari'a i roto i te puhaparaa. Na ô maira oia e, « i faahiti iho nei



oe i te parau no Ravensbrück i roto i ta oe a'oraa. E tia'i au i reira. Tera râ, mai taua taime ra, ua riro mai au ei keritiano ». Ua faaite mai oia e, ua titau oia i te faaoreraa hapa a te Atua no te mau ohipa ino ri'ari'a ta'na i rave. Ua faatoro mai oia i to'na na rima e ua ani mai, « e faaore mai anei oe i ta'u hapa ? »

I reira, na ô a'e ra o Corrie ten Boom e :

« Aita i maoro to'na ti'araa i reira – ma te rima toro – no'u nei râ, e au ia e, e rave rahi hora to'u araraa i te hoê ohipa hau roa i te fifi aitâ vau i rave a'e nei.

« ... I roto i te parau poro'i e faaore te Atua i te hapa te vai ra ia te hoê... titauroa : oia ho'i, e faaore tatou ia ratou tei hamani ino ia tatou... »

« ... 'A tauturu mai ia'u !' Ua pure au ma te mamu noa. 'E nehenehe ta'u e afa'i i to'u rima i ni'a. E nehenehe ta'u e rave i te reira. Na oe râ e horo'a mai i te hinaaro'.

« ... Ma te feruri ore, ua toro atu ra vau i to'u rima i roto i te rima e toro maira ia'u ra. A na reira ai au, tupu a'e ra te hoê ohipa maere. Ua haamata te uira i roto i to'u taponu, tere atu ra na roto i to'u rima, e tae roa'tu ra i roto i to maua rima tape'a. E i reira, i roa a'e ra to'u tino i taua mahanahana ora ra, tahe a'e ra to'u pape mata.

« 'Te faaore atu nei au i ta oe hapa, e ta'u taea'e !' pii hua'tu ra vau, 'ma to'u aau atoa'.

« E taime maoro to maua tape'anoa-raa i to maua rima, te tia'i tahito e te mau auri tahito. Aitâ vau i ite a'e nei i te here o te Atua mai teie huru te puai ». ⁶

Te feia o te haapae i te ino e o te ora i te hoê oraraa maitai, o te tautoo ia itehia te hoê mahana maitai a'e e o te haapa'o i te mau faaueraa a te Atua, e haere te mau ohipa i te maitairaa noa'tu te ati. Ua faaite mai te Faaora ia tatou i te e'a. Mai Getesemane, te satauro e te menema, ua ti'a mai Oia i ni'a ma te upooti'a, ma te hopoi mai i te ora e te tia'iraa ia tatou paatoa. Te parau mai nei Oia ia tatou, « A haere mai ai a pee mai ai ia'u ». ⁷

Ua a'o mai te peresideni Thomas S. Monson : « Mai te mea e, e hinaaro tatou e haere ma te faateitei i te upoo, e



mea ti'a ia tatou ia horo'a atoa i ta tatou tuhaa i te oraraa nei. Mai te mea e, e hinaaro tatou e faatupu i to tatou haere'a e ia ho'i e ora i piha'i iho i to tatou Metua i te Ao ra, e mea ti'a ia tatou ia haapa'o i Ta'na mau faaue e ia faaau i to tatou oraraa i ni'a i to te Faaora. Ia na reira tatou, eita tatou e faaoti noa i ta tatou opuaraa no te ora mure ore, tera râ e faaru'e atoa mai râ tatou i te ao nei ma te faufaa rahi e te maitai atu ahiri aita tatou *i ora e i faaoti i ta tatou mau ohipa* ». ⁸

I roto i te Bibilia Mo'a te vai ra teie mau parau faauruhia : « E faaroo na tatou i te faaotiraa o taua parau nei : O te Atua te mātā'u atu, e haapa'o ho'i i ta'na parau : *o ta te taata atoa ia e ati noa'e* ». ⁹

Eaha teie mea e parauhia nei e, e ohipa ?

Te *ohipa* ta'u e parau nei o te mea ia e titauhia nei ia tatou ia rave e ia riro mai te reira te huru. E titauraa hohonu no te aau o te taata tata'itahi e o te mau taata atoa, e titauraa ti'a, te parau mau e te tura. Aita te ohipa e titau i te maitai roa, e titau râ te reira i te itoito. E ere i

te mau mea ana'e i haamanahia e te ture; te mau mea viivii ore râ. E ere no te feia puai e te ti'araa teitei ana'e, ua niuhia râ te reira i ni'a i te hopoi'a a te taata hoê, te parau ti'a e te mata'u ore. Ua riro te raveraa i ta'na iho ohipa ei tapā'o faaite no to'na faaroo.

Ua parau te peresideni Monson no ni'a i te reira : « Ua here au e te poihere nei au i te parau hanahana ra te *ohipa* ». ¹⁰ No te mau melo o te Ekalesia a Iesu Mesia, to tatou e'a o te ohipa o te haapa'oraa ia i ta tatou mau fafauraa i te mau mahana atoa o te oraraa.

No vai e no te aha tatou i natihia ai i te ohipa ?

A tahi, to tatou e'a o te ohipa no te Atua ia, to tatou Metua mure ore. Oia te tumu o te faanahonahoraa o te faaararaa, « tei hamani i te mau ra'i e te fenua », te rahu nui o Adamu e o Eva. ¹¹ Oia te puna o te parau mau, ¹² te faahoho'araa o te here, ¹³ e te tumu i vai ai te faaoraraa na roto i te Mesia. ¹⁴

Ua parau te peresideni Joseph F. Smith : « No ô mai i te (Atua) ra te mau mea atoa ta tatou e vai nei... Mai te araea ora ore noa ra tatou. Te ora, te

ite, te paari, te feruriraa, te mana ia feruri, e mau horo'a ana'e te reira na te Atua i te mau tamarii a te taata nei. Na'na i horo'a mai i to tatou puai tino e to tatou mau mana o te feruriraa... E faatura tatou i te Atua ma to tatou ite, ma to tatou puai, ma to tatou haroaroa, ma to tatou paari, e ma to tatou puai atoa. E rohi tatou ia rave i te maitai i roto i te ao nei. *Teie ta tatou ohipa* ». ¹⁵

Eita te hoê taata e nehenehe e rave i ta'na ohipa i te Atua te Metua ma te ore e rave i ta'na ohipa i te Tamaiti a te Atua, te Fatu o Iesu Mesia. No te auraro i te tahi e titauhia ia auraro i te tahi, no te mea, ua faataa te Metua e, na roto, e i te i'oa ana'e o te Mesia e ti'a ai i te hoê taata ia faaoti hope roa i teie ohipa. ¹⁶ Oia to tatou Hi'oraa, to tatou Taraehara, e to tatou Arii.

Mai te mea e, e rave te mau tane e te mau vahine e te mau tamaroa e te mau tamahine i ta ratou ohipa i te Atua, e tupu te hinaaro faahepo i roto ia ratou ia rave i ta ratou ohipa te tahi e te tahi, i to ratou utuafare, i ta ratou ekalesia e to ratou nunaa, i te mau mea atoa i tuuhia mai na ratou e

haapa'o. E ohipa na ratou i te faarahi-
raa i ta ratou mau taleni e ia haapa'o i
te mau ture e ia riro ei mau taata mai-
tai. Ia riro mai ratou ei feia haehaa, te
auraro, te maru e te a'o-ohie. Ia parare
te hau i ni'a ia ratou. E feia haapa'o te
huiraatira, e feia aau maru te mau au-
pupu, e te feia tapiri e mau hoa. E oa-
oa te Atua no te ra'i, ua hau te fenua
e ua riro teie ao e vahi maitai a'e.¹⁷

**Nahea tatou e ite ai i to tatou e'a
o te ohipa i roto i te tau ati ?**

E pure tatou ! E rave'a papu te reira
no te taata ho'e ia ite ; e reni ora te reira
no te taata ho'e no te tuati i te ra'i. Te
na o ra te aposetolo Petero e : « Tei te
feia parau-ti'a ho'i to te Atua ra mata, e
tei ta ratou pure ho'i to'na tari'a ». ¹⁸

Na te pure haehaa, te aau tae e te
faauru e horo'a ia tatou tata'itahi i te
arata'iraa hanahana o ta tatou e titau
onoono nei. Ua a'o mai o Brigham
Young e, « i te tahi taime, tei roto te
taata i te mana'o tapitapi e ua i ho'i
i te mana'o pe'ape'a e te fifi... oia faa-
hou, te haapii mai nei to tatou feruri-
raa maramarama e, *ta tatou ohipa, o
te pureraa ia* ». ¹⁹

Ua haapii mai Iesu e :

« E parau atu vau ia outou, e ara e
e pure ho'i ma te tuutuu ore e tia'i ; ia
ore outou e roohia i te ramâ... »

« No reira ia pure outou i te Metua

na roto i to'u ra i'oa... »

« E pure i roto i to outou mau fetii
i te Metua na roto noa i to'u ra i'oa, ia
haamaitahia ta outou mau vahine e te
mau tamarii ho'i ». ²⁰

No te faariri i te pure ei pure mai-
tai, e mea ti'a i te reira ia tuati i ni'a i
te faanahoraa o te ra'i. E horo'a mai
te pure faaroo i te hotu mai te mea e,
ua haapa'ohia taua tuatiraa ra, e e
vai taua tuatiraa ra mai te mea e, ua
faauruhia te mau pure na te Varua
Maitai. Na te Varua e faaite i te mea
e ti'a ia tatou ia ani. ²¹ Ia ore te reira
arata'iraa faauruhia, « te hapa ra ta
outou aniraa », ²² i te imi-noa-raa i to
tatou eiaha ra « To'na hinaaro ». ²³ E
mea faufaa ia arata'ihia tatou na te
Varua Maitai a pure ai tatou, e mea
faufaa atoa ia haamaramaramahia
tatou na taua Varua atoa ra i te taime
a farii ai tatou i te ho'e pahonoraa i te
pure. Na taua huru pure ra e horo'a
mai i te mau haamaitairaa o te ra'i
ra no te mea, « ua ite ho'i (to tatou
Metua)... i te mau mea e au ia [tatou],
hou [tatou] i ani atu ai » ²⁴ e e pahono
mai Oia i te mau pure aau tae atoa. I
te hopea ra, na te Metua e te Tamaiti
i fafau mai e, « a ani, e horo'ahia mai
ta outou, e imi, e itea ia ia outou ; e
patoto atu, e iritihia mai te opani ia
outou ». ²⁵

Te faaite nei au i to'u iteraa papu e,

to tatou e'a o te ohipa, ua tapa'o-ma-
ramarama-hia te reira na te ho'e faaroo
e te ho'e ti'aturiraa afafa ore i te Atua,
te Metua mure ore, e i Ta'na Tamaiti o
Iesu Mesia, e i te mana o te pure. Te
mau tamarii paatoa a te Atua, o tei he-
re Ia'na e o te hinaaro i te haapa'o i
Ta'na mau faaueraa, o ratou te ratere
na ni'a i te reira e'a. No te taure'are'a,
e arata'i te reira e'a i to'na iho ra faaoti-
raa e te faaineineraa ; no te taata paari,
e arata'i te reira i te faaroo e te hinaaro
mau i faaapihia ; no te u'i paari a'e, e
arata'i te reira i te parau e te tamau
maite i roto i te parau ti'a e tae noa'tu i
te hopea ra. Na te reira e horo'a i te ra-
tere faaroo i te puai o te Fatu, na te rei-
ra e paruru ia'na i te mau ino o teie
tau, e e horo'a ho'i ia'na i te ite e, « te
faaotiraa o taua parau nei (maori ra) a
Ma'ta'u i te Atua, e a haapa'o ho'i i ta-
'na mau faaueraa : no te mea ho'i o *te
reira te ohipa a te taata* ». ²⁶ Na roto i
te i'oa o Iesu Mesia, amene. ■

TE MAU NOTA

1. Mose 7:61 ; faahauhia te faatomaraa.
2. Joseph F. Smith, *Gospel Doctrine*, nene'iraa
5. [1939], 156.
3. Mosia 1:17.
4. Alama 7:22.
5. Helamana 15:5.
6. Corrie ten Boom, *Tramp for the Lord*
(1974)], 54-55.
7. Luka 18:22.
8. Thomas S. Monson, faaohipahia ma te
parau faati'a.
9. Koheleta 12:13 ; faahauhia te faatomaraa.
10. Thomas S. Monson, « Duty Calls », *Ensign*,
Me 1996, 43.
11. Hi'o Te Parau Haapiiraa e te Mau Parau
Fafau 20:17-19.
12. Hi'o Te Parau Haapiiraa e te Mau Parau
Fafau 93:36.
13. Hi'o 1 Ioane 4:8.
14. Hi'o Ioane 3:16 ; Helamana 5:10-11.
15. Joseph F. Smith, i roto i te Conference
Report, Atopa 1899, 70 ; faahauhia te
faatomaraa.
16. Hi'o Moroni 10:32-33 ; Te Parau Haapiiraa
e te Mau Parau Fafau 59:5.
17. Hi'o Alama 7:23, 27.
18. 1 Petero 3:12.
19. *Te mau Haapiiraa a te mau Peresideni
o te Ekalesia : Brigham Young*, (1997), 45 ;
faahauhia te faatomaraa.
20. 3 Nephi 18:18-19, 21.
21. A hi'o Te Parau Haapiiraa e te Mau Parau
Fafau 50:29-30.
22. Iakobo 4:3.
23. Mataio 6:10.
24. Mataio 6:8.
25. Mataio 7:7 ; hi'o atoa Iritiraa a Iosepha
Semita, Mataio 7:12-13, i roto i te
faahororaa o te Bibilia.
26. Koheleta 12:13 ; faahauhia te faatomaraa.

